


歷代 日記叢鈔

學苑出版社

歷代日記叢鈔



高給諫晉郵

日記

受業王學曾

敬署

高給諫晉郵日記

瀘州高枏懺蘭

光緒十九年舉行癸巳恩科鄉試七月初八黎明恭
蒙簡命典試山西初九卯刻詣午門叩謝天恩禮部
侍郎錢應溥宣讀諭旨云七月初八折封奉硃筆山
西正考官著薛寶辰去副考官著高枏去餘依議欽
此是日同放者三省山東爲長萃柯逢時河南爲王
懿榮李桂林薛乃己丑同年甲第居予上散館居予
下今同放亦奇也出東華門順道謁座主連日忙冗
一面添買衣物料理行程

十八日已初乘輿至新館飲餞

藍呢轎賃一子二頭每頭十七兩駝

夫二班八兩至涿止跟丁每名鞍子銀二兩

兵部派來馬九匹送來勘合

一張

此要緊路上不

印領一張

舊例部發路費二百今折爲二十五

兩印領留寓託人領勘合收入行篋封固箱子六口

書史一人前站一人

執欽命旗

前引後跟厨夫轎頭共

六人四十里至長新店大雨乃止驛站應在良鄉以

雨宿此因此間無供給一餐一宿計四兩五錢

十九日晴六點啟行九點抵良鄉前站往縣署辦溜單

縣令劉雲門名峻銅梁人

換馬匹抬夫辦差家人謂尖飯已備蓋

昨夜所備者命家人食之余與薛君食雞子二枚二

十五里到竇店尖五十里至涿州署印者趙司馬名

文粹字心笙

丁卯舉人辛未進士廣西人

儀文甚至而客於酒席

二十日晴四十五里尖高北店

定興管

三十五里宿北河

二十一日晴四點行六十里尖安肅

縣令胡賓周恪三壬午舉癸未甲

胡大令炮樂迎送并言九弟在肅甯尙未交代又五

十里抵保定北關繞過西關使館裕方伯長周廉訪

馥朱太守靖旬徐前輩

清宛令

及格太守并協戎等具

帖來迎遵禮答之 周菁莪傅潤沅來 作書交周

與九弟 又交傳寄京 薛同年言四川婦女勤而

不儉陝西則儉而不勤京師不儉不勤山西能勤能

儉此前人流傳之語高雲丞亦嘗言之

二十二日五十里尖涇陽驛

滿城管使館踞高坡外瞰綠樹如雲尖席頗恭足爲

合肥增色

又四十五里宿望都

二十三日六十里尖定州皇華館甚朗淨

知州爲徐

飯菜由

署辦來餒甚不至由其官外行也一下後始行夕陽入抱熱不可耐五十里宿新樂知縣乃乙酉拔貢解姓奉天人

二十四日五鐘啟行四十里尖伏城驛

正定

借店爲館

壁破窗壞污穢不堪菜飯不來乃喫麪皮而行五十

里至眞定恒山驛

太守陳慶滋鶴雲邑令王家瑞松畦

借龍藏寺爲使

館聞昔年借店而東屋西晒使者命毆應差家人因
與僧意定議明試差過境皆宿此遂成例焉寺西爲
行宮洋人自京攜鈔票來云已買得爰造教堂不知
賣之者果誰也 寺殿有高宗宸翰果親王對聯

墀豎龍藏寺碑超勁可喜

鐵梅菴墨迹對

地無塵染多靈

草室鑒真
空有慧泉

王蔭昌對云

湖光與天遠
山色上樓多

似半截碑王良

常澍橫條亦極老當寺中墨迹推此三種 僧言林

柳溪浮費太多使林有一賢內助安見窮迫至此者

續娶貽害如此 李前輩娶靈石某家亦可鑒

二十五日六下啟行三十里過滹沱茶尖高粱店

河南差至

此分 又三十里歇獲鹿縣未至獲鹿四五里即有坡陀土壁夾道 平定州探

馬昨日已來此寫蜡箋十餘對

二十六日三十五里尖微水淮陰背水處又三十五里

歇井陘

河東村

山西儀仗接至此 井陘令言君差務

甚不認真

二十七日五十里尖槐樹舖

未至槐樹舖之先曰甘草驛換馬 平定州管民壯

傘蓋接 此則山西境也故辦差亦迥不同又三十里

宿柏井驛中丞派撫標營弁三人把總李嵩年王福

外委呂鵬飛來迎皆跪道左報名李乃薛之巡捕王

乃余之巡捕文巡捕二人接於平定薛者陝人姓郝

余則蘇州人姓費字文伯配懷堂弟 戎刻白露

二十八日五十里抵平定文巡捕費成彬迎請道安

其祖

名開綬嘉慶庚辰翰林官至江西巡撫其伯官合州長壽成都李直牧派鼓樂旂蓋

來迎接於城外巡捕呈公費單一五日供給單一晉

省大員行號單一張中丞胡方伯張廉訪俞觀察并

王提學丁觀察等帖國首府蔡首縣手版來候各答

以片

二十九日四點起五十里尖測石驛孟縣管平定旂鼓直送出境又

三十里茶尖又二十里抵壽陽縣令強鵬飛忠烈公克捷之孫祁子

禾師故里也師塋在城北去大道十餘里 使館壁

挂祁相國文端公記藍大令教民織布記一又歌一

幅

藍膚施人明萬厯官此見民窮困教以種織民始有禦冬謀食之具

八月初一日六點行五十里宿太安驛

壽陽管

今午喫米

飯二碗夜食片湯二碗半數日來爲酒席所苦今日

乃得飽食 寫扇對 壽陽只食小米粥外有黃米

性軟但可爲粍不能蒸食北地之苦求如吾蜀之乞

丐皆食稻者少矣囿於地者烏乎知之 老唐頸後

瘡爲風所襲遂敗以玉真散敷之乃愈

初二日五下後啟行三十五里尖什貼驛又三十五里

宿明千驛

榆次縣管

使館牀帳幃幔門簾棹罩字畫文房

色色整備惟一木榻賃之客棧夜半臭蟲四出不能寐三下遂起然燭而行

初三日入下抵省王學使枚峇遣人出迎十里撫司道亦遣人來皇華館體制如成都寬濶似少過之若求十分華麗自不及也然明窗靜几高屋崇階又何不可居乎 平定以後氣覺墜至什貼書扇無精神

今日寫摺開餘晚又鈔扇對名單夜氣尤墜腹響腸吼累夥夥然兩膝有時而燒

夜子丑
晝午未

薛同年診脈謂

訖

六月尾七月
初覺細而緩

初四日入下起即小便又即大便溏瀉後至午腸未响

大約連日蟹黃亦大爲患自限不食酒席雜物專喫飯粥一切人事已過未來絕不思之看百日後能復元否甚矣憂能傷人今始信矣 新定座銘未來不想已過勿思藤葛淨洗忻慰自怡夜睡亥刻靜坐午時食惟蔬飯味卻肥脂升沈休短一概聽之守身報祖舍此奚持 王掄翁鼓精神應酬去年肺氣已傷尙不自保羅玉師憂思耽酒好想昔年事高搏九勇於任事以退處爲恥三人皆爲殷鑒

初五日六點起昨夜十下睡十一下後始睡著此後逐漸早睡早起七點服藥一次十點飯三碗

比昨早飯加一碗

終不大熱菜則冷湯則溫也飯前下氣二次有聲腸

响減十之六七交午時膝涼而右大腿覺熱藥加

白薇

一錢

龍骨

錢半

牡蠣

二錢

二下藥後須臾一响

不爽晷刻

張中丞差人送儀節單

提調俞遞呈

請入闈單

又爲費巡捕書扇二柄略驗精神申

酉後仍下氣無聲子刻膝微燒背心亦覺燒九下後

上牀近子正乃睡著

初六日七下起服逍遙散一次文巡捕來見謂中丞以
進城未及稟報恕之將添派幫辦求揭曉日面告撫
藩九下後飯食麪北省作飯外行必食稻致有饑餒

生冷之弊予之服蟹黃而外亦病此也十一下中丞

差官持帖

用紅封帖

三請乃行到撫轅大堂下轎與中

丞一揖次學使次司道南向四坐予坐二坐中丞東

學使西司道皆旁坐

首府無坐位仍朝服立階下候

中丞送茶

預派四官

端茶到而中丞送

三次

一杏仁茶一桃米湯

司事者稟請北向拜闕九

叩畢回坐司道先行予二人坐明轎繼之中丞又次

之沿街看者

擁擠不通到貢院司道出迎

站班者有三四品頂

戴官員或微領或直行無碍也

至豐樹堂換朝裙朝袖朝冠朝鞞而

穿花衣畢司道進房少坐問候中丞至司道先出中

丞入予二人出見一揖上坐仍三茶

一燕菜一蓮子

畢中丞

率司道送入衡文堂內監試送入房門外一揖乃去

三下鐘內巡捕稟請升至公堂掣籤

內監試內收掌北向各房

官東薛君掣第幾房子掣某缺某人王碩甫在座目

周數次乃識之丁丑後未面也想在成都時與今丰

采迥別 籤畢歸房換花衣穿袍袿 監試各房稟

見薛同年以房官盛公乃前輩不敢請辭之而監試

錫公良必見乃請之錫公言各房官花衣未脫恭候

在外今日不見明日又須穿薛同年仍以盛前輩在

碍難房考又稟見相持數刻乃請入去後予二人往

答拜皆攬駕 九下後睡 曹升知脈理來診予脈